

# Draumskrök.

## I.

Í alfræðibók amerískri rakst eg á þann fróðleik, að draumarnir sé það sem vér hugsuðum í svefni: Dreams are our thoughts during sleep. Mun ekki auðvelt að segja það, sem vitlausara sé um eðli drauma. Því að það sem oss dreymir, er einmitt ekki, fyrst og fremst hugsanir; og þar að auki er í draumlífinu mjög um tilflutninga og tilsendingar að ræða. Á ensku mætti segja: Dreams are phenomena of transfer and transmission. Hefir mér komið til hugar að segja frá nýju dæmi og ekki ófróðlegu þessa efnis. Mig dreymdi í morgun á þá leið, sem verið væri að telja mér trú um, að kunningi minn einn væri góður maður, og að mér þætti þetta ekki ólíklegt. En nú vill svo ill, að það er fátt, sem eg í vöku mundi telja ólíklega en einmitt þetta. Var einkennilega ljóst, að þarna voru utanaðkomandi áhrif að verki, og hefi eg raunar oft áður orðið slikra áhrifa var úr þeirri átt, og ekki góðra.

## II.

Orðið draumskrök — sem að visu er notað í dálítið sérstakri merkingu í fyrirsögn greinar þessarar — er fornt og notað sem andstæða við orðið sanndreymi. Svarar orð þetta til þess sem draumfræðingurinn

Artemidór, sem uppi var á? Öld vors tímabils, nefnir enyption; en sanndreymi heitir hjá honum onciros. Artemidór hefir ritað bók sem heitir Oneirokritikon, og þýðir það svipað (þ. e. hvernig skilja skal drauma, eða draumaráðning) og heiti á mjög frægri bók frá vorum tímum, Traumdeutung, eftir Siegmund Freud. Vil eg ekki leyna því, að mér þykir gríska bókin, þótt gömul og orðin, merkilegri en bók hin fræga Gyðings. Hefir Artemidór verið skarpur maður og vel mentaður. Raunar skrifar hann ekkert um mitt sérstaka raunsóknarefni, eðli draumlífsins, og ýmsar upplýsingar hans um það, hvernig menn dreymdi á þeim tímum, eru stórfróðlegar, og þegar hann getur un, að menn dreymi sig öðruvísi í svefni en þeir eru í raun og veru, þá er frá því sagt, að útlit draumgjafans berist inn í drauminn, og er þar hjálp til að átta sig á stórhýðingarmiklu atriði, sjálfu undirstöðuatriðinu þegar skilja skal eðli draumlífsins. Geta má þess, að mjög fróðleg athugun af einmitt því tagi, kemur fram í draumi Stjörnu-Odda og bregður skemtilegri birtu yfir skarpleik þessa merkilega íslenska stjörnufræðings; vona eg að geta ritað nánar um það efni síðar meir.

17. febrúar.

Helgi Pjeturss.

*div 26 febr. '36*